

Na osnovu člana 9. Odluke o utvrđivanju uslova, kriterija i postupka za dodjelu stipendija redovnim studentima sa invaliditetom, koji studiraju na javnoj visokoškolskoj ustanovi sa sjedištem na području Tuzlanskog kantona u akademskoj 2025/2026. godinu, broj: 10/1-11-34011/25 od 12.11.2025. godine, Ministarstvo obrazovanja i nauke Tuzlanskog kantona, raspisuje

K O N K U R S

za dodjelu stipendija redovnim studentima sa invaliditetom, koji studiraju na javnoj visokoškolskoj ustanovi sa sjedištem na području Tuzlanskog kantona u akademskoj 2025/2026. godini

I

Raspisuje se Konkurs za dodjelu stipendija redovnim studentima sa invaliditetom, koji studiraju na javnoj visokoškolskoj ustanovi sa sjedištem na području Tuzlanskog kantona (u daljem tekstu: Univerzitet) u akademskoj 2025/2026. godinu, i to za ukupno 10 stipendija redovnim studentima sa invaliditetom, koji studiraju na Univerzitetu u akademskoj 2025/2026. godini.

II

Ukupna visina stipendije za akademsku 2025/2026. godinu iznosi 1.200,00 KM (jednuhiljadvijestotine konvertibilnih maraka), s tim da će se isplata stipendije vršiti u skladu sa operativnim sredstvima u Budžetu Tuzlanskog kantona.

III

Pravo na dodjelu stipendije ima kandidat pod uslovom:

- a) da je državljanin Bosne i Hercegovine,
- b) da je redovan student prvog ili integrisanog prvog i drugog ciklusa studija na Univerzitetu,
- c) da nije korisnik stipendije iz Budžeta Tuzlanskog kantona po nekom drugom osnovu,
- d) da ima status lica sa invaliditetom.

IV

Pravo na dodjelu stipendije po ovom Konkursu imaju redovni studenti sa invaliditetom koji studiraju na Univerzitetu. Rangiranje i klasifikacija kandidata za dodjelu stipendije, koji ispunjavaju uslove iz tačke III, vrši se na osnovu sljedećih kriterija:

- a) visina prosjeka ocjena ostvarena u prethodnoj godini studija/školovanja u odnosu na godinu studija koju je kandidat upisao u akademskoj godini u kojoj se stipendija dodjeljuje, prema članu 6. Odluke o utvrđivanju uslova, kriterija i postupka za dodjelu stipendija redovnim studentima sa invaliditetom, koji studiraju na javnoj visokoškolskoj ustanovi sa sjedištem na području Tuzlanskog kantona u akademskoj 2024/2025. godinu, broj: 10/1-11-34011/25 od 12.11.2025. godine, u daljem tekstu: *Odluka*),
- b) stepen invalidnosti, prema članu 7. Odluke.

V

Prijave na konkurs sa potrebnom dokumentacijom, podnose se Ministarstvu obrazovanja i nauke Tuzlanskog kantona, u roku od 10 dana od dana objavljivanja konkursa na internet stranici Ministarstva obrazovanja i nauke Tuzlanskog kantona (www.montk.gov.ba). Prijava na konkurs vrši se putem prijavnog obrasca, koji se može preuzeti na internet stranici Ministarstva obrazovanja i nauke ili u službenim prostorijama Ministarstva obrazovanja i nauke Tuzlanskog kantona.

VI

(1) Kandidat je uz popunjen prijavni obrazac obavezan dostaviti:

a) uvjerenje da je redovan student na Univerzitetu u akademskoj 2025/2026. godini (original ili ovjerena kopija),

b) uvjerenje o državljanstvu (original ili ovjerena kopija),

c) uvjerenje o ostvarenom prosjeku ocjena u prethodnoj godini studija/školovanja u odnosu na godinu studija koju je kandidat upisao u akademskoj godini u kojoj se stipendija dodjeljuje,

d) ovjerena izjava da nije korisnik stipendije iz Budžeta Tuzlanskog kantona po nekom drugom osnovu,

e) nalaz, ocjenu i mišljenje Instituta za medicinsko vještačenje zdravstvenog stanja kojim se utvrđuje postotak invalidnosti (original ili ovjerena kopija),

f) drugu dokumentaciju određenu tekstom konkursa.

(2) Sva dokumentacija koja se dostavlja uz prijavni obrazac mora biti u originalu ili ovjerenoj fotokopiji, te na jednom od jezika u službenoj upotrebi u Bosni i Hercegovini (uz dokument izdat na stranom jeziku potrebno je dostaviti i originalni prijevod sudskog tumača ili ovjerenu kopiju prijevoda).

VII

(1) Na osnovu konačne rang liste, ministar sa kandidatom zaključuje ugovor o stipendiranju, kojim se bliže uređuju međusobna prava i obaveze.

(2) Ugovor o stipendiranju zaključuje se u roku od 15 dana od dana isticanja konačnih rang listi na internet stranici Ministarstva.

(3) Ukoliko kandidat, u roku navedenom u stavu (2) ove tačke, ne potpiše ugovor, smatrat će se da je odustao od stipendije, izuzev ako kandidat iz opravdanih razloga nije u mogućnosti potpisati ugovor u ostavljenom roku, o čemu je obavezan dostaviti dokaz na osnovu koga će mu se utvrditi novi termin za potpisivanje ugovora.

VIII

(1) Konkurs ostaje otvoren 10 dana od dana objavljivanja na internet stranici Ministarstva obrazovanja i nauke Tuzlanskog kantona.

(2) Prijave na Konkurs sa potrebnom dokumentacijom šalju se putem pošte preporučeno ili lično na adresu Centralne pisarnice kantonalnih organa uprave - ulica Fra Grge Martića 8, 75000 Tuzla, sa naznakom „Prijava na Konkurs za dodjelu stipendija redovnim studentima sa invaliditetom“.

(3) Nepotpune i neblagovremene prijave, kao i prijave koje nisu sačinjene na prijavnom obrascu, neće se uzeti u razmatranje.

**Ministarstvo obrazovanja i nauke
Tuzlanskog kantona**